







⑤

51 J











## CAPITA · RESCRIPTI · D · N · LEOPOLDI · II · AVG

DECLARATIONES MORE MAIORVM. P. B.  
MED. CYR. PRAESVNTO. SEXS. SVNTQ.  
EX. PATRICIORVM. NUMERO  
ADSCISCVNTOR. OLLIS. QVOTIENS  
VISVM. EVAT. CONVENIENDI. ORDINEMQVE  
SVPPLENDI. IVS. ESTO.

PRIVILEGIA · CONLEGII · ICC · NOBIS · RATA  
SVNT · EX · HOC · PRAEFECTVS  
VRBIS · ELICITOR · QVI · ITEM  
PRISTINO · NOMINE · PRISTINIS  
INSIGNIBVS · VTITOR

PRAEFLECTO • VRIBIS • ADSESSORES  
 AIVANTO • A • DECVRR • CIBANTOR  
 VIARVM • ANNONAE • VALETVDINIS  
 PECVNIAEQVE • PVBLICAE • CVIAM  
 AGANTO • IVS • DE • HIS • OMNIBVS • DICVATO  
 LEGATI • SINGVLARVM • CIVITATVM  
 MEDIOLANI • MORANTOR • ADSESSORVM  
 NOMINE • EX • QVAIS • ET • ADSESSORIBVS  
 MED • SVB • P • V • CONCILIAM  
 CONVENTVS • INSVVR • ESTO • HIS  
 INCONSVLTVS • DE • STATO • R • P • ORDINE  
 NE • QVA • IMMVTATOR • IDEM  
 SVPER • PRISTINA • MVNERA • ET  
 DECORA • STATIVORVM • ETIAM • ET  
 COMITATVVM • MILITARVM • CVRAM  
 CAPIVTO • ITEM • LEGATVM • AD • RES  
 PROV • APVD • CAESAREM • GERVNDAS  
 BIENNALEM • ELVANTO • ET • ST • RES  
 VLTERT • ARRI • PVR • INVOCANT



PROVINCIALIA · EMERITOS · STIPENDIA  
ADSESSORES · PROVINCIALES  
MUNICIPALIA · MUNICIPIALES · IVDICIO  
SVO · REMUNERANTO  
AD-PRÆSCRIPTVM LEGVM · CENSVALVM  
REGII · CENSVS · CVRATORES · SE · GERINTO  
A · COMMUNI · SVVS · QVISQVE · CENSVALIS  
ELICITOR

LIGES . IVDICLARIAE . ITEM THE  
VECTICALIVS . REGES . PARTIVNIS  
EXICANDIS REFORMANTOR MVLTA IN  
AISSENTIS DICTA REMITTITÖR  
SACERDOTHORVM ALIORVMQVE ID GENVS  
BONORVM . VACANTIVM . RATONES  
KIANFOR . IN . VVLGIS . FORVM  
REDITVS IN PIOS VSUS EROGANTOR  
ITEM TURBATA EX PRAEDIIIS OLIM  
IMMVNIIVS IN LEVAMEN . ONERVUM  
COMMVNIVM CEIVNTO

SACRIFICIUM-PATIONATVM-IVIRE-OVO  
 QVOSQVE-OPTIMO-HABESIT-RETINETO  
 DOMUS-EGNVS-MARIVS-FEMINIS-RECHIVANIS  
 ALENDIS-EDVCANDIS-MEDENDIS  
 DOTANDIS-SVBLEXANDIS-OVOTVQVIT  
 SINT-PRETIAT-MAIORM-INQVITVAT  
 EIVM-CVRATIO-PENES-CIVES-ESTO  
 SCHOLAE-IVRIS-MVNICIPALIS-IN  
 LYCO-PRAEIDENS-ITEM-CHIRVRGIAE  
 ET-ARTIS-ANATOMICAE-IN-VALENTINIANO  
 INTERCLASAE-APPERTVRO

DECVRIONES  
AMBROSIO·CAESARIS·F·AVANAGO  
QVI·ET·FRANANAS·V·COMIT·V·C·S  
MAESTRO·AD·MISSION·AV·C·HONORARIO  
PL·VIII·S·M·VIC·ITALI·V·S·MA·STRIS·V·S  
CV·RATORIB·S·QVI·ET·IN·EX·EMPL·M·PER·V·ACTO  
QVOD  
IN·CON·CILIO·CON·VENT·V·S·IN·SV·BR  
AN·NO·MD·C·L·XXX·X·M·JUL·IAN·AC·TO  
CV·P·S·SV·C·F·S·V·S·IN·V·STRAT·V·M  
TOTA·SE·PRO·VINCIA·LA·ET·ATA·EST  
STADIO·CON·SILIO·AD·SID·V·TATE  
MAGNO·V·S·M·R·P·E·V·ENT  
HONORIS·CA·V·SSA  
IVS·IN·SIC·NIA·CIVITATIS  
GENTILITIS·IN·SER·NDI  
ET·IN·SCRIPTION·M·DEC·V·ER·V·NT

IMPER • CAESARI  
FRANCISCI ET M • THERISIAE AVGVG  
LEOPOLDO • PIO • FELICI AVGVSTO  
QVOB  
SVFFRACANTE FERDINANDO FIRATRE  
PRAESIDE ET PATRONO  
INSVBRIVM • INDVLGENTISSIMO  
PRISTINA ORDINI • PRIVILEGIA  
ADSEVERIT • NOVA • CVTLERIT  
DECVRIONES • MED  
ANNO • M • DCC • LXXXXI  
• VINDICL • DICNTATIS  
LIBERTATISQVE • PVBLICAE

DECLARATIONES  
ANTONIO ALBERTINI VICTCOMITI  
QVI ET AIMVS MARCHIONI V. C.  
E PROXIMVS HISPANIS PRIMI ORDINIS  
MAGISTRO A MISSIONVM AC HONORARIO  
OCCUPATIONE PATRIAE DIFFICILLIMAM  
DEFOVE MAXIMIS REBUS  
SUMMA FIDEI ET PUDENTIAE LAUDE  
ADMIPER CAESAREM OBEVNT  
RESERPTIV TVERE AB OPT PRINCIPLE  
TOTI PROV SINGVLIS MVNICIPIIS  
HVC PREFECTVM ORDINI  
SALVARE HONORIFICENTISS  
HONORIS CAUSSA  
VSV INSIGNIA CIVITATIS  
GENTILITVS INSERENDI  
ET INSCRIPTIONEM DECREVERVNT



D E  
MARMOREO MONVMENTO  
QVOD HONORI  
IMP · CAESARIS  
LEOPOLDI II · AVG ·

A LX · DECVRIONIBVS MED ·  
DECRETVM EST  
XI · KAL · MARTIAS AN · MDCCLXXXXI ·  
ET IN EORVM CVRIA DEDICATVM

PRID · NON · IVN · AN · MDCCLXXXII ·  
COMMENTARIVS



MEDIOLANI

EX OFFICINA MARELLIANA

*Permissu Praesidum*

---

AN · CXCICCLXXXII ·







FRANCISCO NICOLAI F.  
N A V A E  
V . C .

EX COLLEGIO ICC . NOBB .

PRAEFECTO VRBIS

A PROV . INSVBRIA RESTITVTA

P R I M O

ET SPLENDIDISSIMO

DECVRIONVM ORDINI VNIVERSO

QVORVM NOMINA INFRA SCRIPTA SVNT

FRANCISCVS FONTANA

E CONGREGATIONE S . PAVLLI

FELICITATEM







FRANCISCO·LEOPOLDI·AVG·F·  
FRANCISCI·AVG·N·

IMPERATORE · AVGVSTO · AN · I ·

N O M I N A

DECVRIONVM · MEDIOLANENSIVM

EX·ALBO·DESCRIPTA·A·D·V·NON·OCT·

ALOISIVS · IOAN · BAPTISTAE · F ·	TROTTUS
COMES · A · SANCTIORIBVS · CONSILIUS · ET · AB	
ADMISSIONIBVS · AVG · MAGISTER · RVSTICANAE · MILITIAE	
ADSISTENS · NOMINE · REGIO · CIVICIS · CONVENTIBVS	
LAVRENTIVS · IOAN · DIDACI · F ·	SALAZARIVS
COMES · AB · ADMISSIONIBVS · AVG · CAMPIDOCTOR · VRBANAE	
MILITIAE · AD · PORTAM · ROMANAM	
THEODORVS · GEORGIVS · ALEXANDRI · F ·	TRIVVLTVS
MARCHIO · AB · ADMISSIONIBVS · AVG ·	
ALBERICVS · ANTONI · F ·	ATESTIVS
S · R · I · PRINCEPS · DE · BELGIOIOSIO · AVREI · VELLERIS	
EQVES · TORQVATVS · A · SANCTIORIBVS · CONSILIUS · ET	
AB · ADMISSIONIBVS · AVG · MILITIAE · DVX · MAIOR	
PROPRAEFECTVS · ET · DVCTOR · COHORTIS · PRAET · RVSSATAE	
GERMANICAE · APVD · FERDINANDVM · ARCH · AVSTR ·	
ALOISIVS · GASPARIS · F ·	ARRIGONIVS · CASATVS
COMES	
VITALIANVS · GASPARIS · F ·	BILIVS
COMES · AB · ADMISSIONIBVS · AVG · CAMPIDOCTOR · VRBANAE	
MILITIAE · AD · PORTAM · NOVAM	
IO · PETRVS · KAROLI · F ·	ANNONVS
COMES · AB · ADMISSIONIBVS · AVG ·	
IOSEPHVS · KAROLI · F ·	RESTA
COMES · AB · ADMISSIONIBVS · AVG ·	
NICOLAVS · PHILIPPI · F ·	VICECOMES
COMES · E · COLL · ICC · NOBB · AB · ADMISSIONIBVS · AVG	
PRAEFECTVS · REGIVS · TABVLARII · PVBLICI	

AMBROSIVS • CAESARIS • F •	CAVANAGVS • RADANASCVS
COMES • AB • ADMISSIONIBVS • AVG •	
BENIGNVS • GALEATI • F •	BOSSIVS
MARCHIO • E • COLL • ICC • NOBB • AB • ADMISSIONIBVS • AVG •	
SFORZA • ALOISI • CAIETANI • F •	BRIVIVS
MARCHIO	
ROBERTVS • IOAN • PETRI • F •	ORRIGONIVS
MARCHIO • AB • ADMISSIONIBVS • AVG •	
IACOBVS • IOAN • BAPTISTAE • F •	DVRINVS
COMES • A • SANCTORIBVS • CONSILII • AVG •	
IOANNES • GALEATIVS • GABRI • F •	SERBELLONIVS
DVX • E • PROCRIBVS • HISPANIENSIBVS • AB • ADMISSIONIBVS	
AVG • MAGISTER • VRBANA • MILITIAE • TRIVMVIR	
ORDINIBVS • CONSERVANDIS	
PETRVS • GABRIELIS • F •	VERRIVS
COMES • A • SANCTORIBVS • CONSILII • ET • AB	
ADMISSIONIBVS • AVG •	
KAROLVS • FRANCISCVS • HERMETIS • F •	VICECOMES
MARCHIO	
IOSEPHVS • DIDACI • F •	RVITZIVS • DE • ARACIEL
MARCHIO • AB • ADMISSIONIBVS • AVG •	
AEGIDIVS • GREGORIVS • IVLI • F •	VRINVS • DE • ROMA
MARCHIO • E • COLL • ICC • NOBB • A • SANCTORIBVS • CONSILII	
ET • AB • ADMISSIONIBVS • AVG • PRAEPOSITVS • CVBICVLI	
RICCIARDAE • M • BEATRICE • ATESTINAE • ARCH • AVSTR •	
GALEATIVS • CAIETANI • F •	VICECOMES
COMES • AB • ADMISSIONIBVS • AVG •	
IOSEPHVS • MAXIMILIANVS • IOAN • MAXIMILIANI • F •	STAMPA
MARCHIO • SONCINI • E • PROCRIBVS • HISPANIENSIBVS	
AB • ADMISSIONIBVS • AVG • CAMPIDCTOR • VRBANA	
MILITIAE • AD • PORTAM • TICINENSEM • TRIVMVIR	
ORDINIBVS • CONSERVANDIS	
BENEDICTVS • MARCI • F •	ARESIVS • LVCINVS
COMES • E • COLLEGIO • ICC • NOBB • AB • ADMISSIONIBVS • AVG •	
TIBERIVS • AENEAE • F •	CRIBELLVS
MARCHIO • AB • ADMISSIONIBVS • AVG • CAMPIDCTOR	
VRBANA • MILITIAE • AD • PORTAM • COMENSEM	
ALEXANDER • ANTONI • F •	SORMANIVS
AB • ADMISSIONIBVS • AVG •	



IOAN · ANTONIVS · KAROLI · ANDREAE · F ·	PARRAVICINVS
MARCHIO	
FERDINANDVS · HIERONYMI · F ·	CVSANVS
MARCHIO · AB · ADMISSIONIBVS · AVG ·	
FRANCISCVS · GALEOTTI · F ·	BARBIANIVS · BELGIOIOSIVS
COMES	
ANTONIVS · ALBERTI · F ·	VICECOMES · AIMVS
MARCHIO · E · PROCERIBVS ·	HISPANIENSIBVS · AB
ADMISSIONIBVS · AVG ·	
GEORGIVS · FABII · F ·	DVGNAVVS · CORIVS
COMES · AB · ADMISSIONIBVS · AVG ·	
ANTONIVS ALOISII · F ·	HERBA · ODESCALCHIVS
MARCHIO · AB · ADMISSIONIBVS · AVG ·	
PETRVS · FRANCISCVS · IO · ANTONII · F ·	VICECOMES · BORROMAEVS
COMES · AB · ADMISSIONIBVS · AVG ·	
ABVNDIVS · ALEXANDRI · F ·	A · TVRRE · REZZONICI
COMES · AB · ADMISSIONIBVS · AVG ·	
IO · GIBERTVS · RENATI · F ·	BORROMAEVS · ARESIVS
COMES · E · PROCERIBVS ·	HISPANIENSIBVS · AB
ADMISSIONIBVS · AVG ·	
FRANCISCVS · GASPARIS · F ·	MELTIVS
COMES · AB · ADMISSIONIBVS · AVG ·	
KAROLVS · GALEATI · F ·	ARCONATVS VICECOMES
MARCHIO · AB · ADMISSIONIBVS · AVG ·	
ANGELVS · GEORGI · F ·	SERPONTVS
COMES · AB · ADMISSIONIBVS · AVG ·	
KAROLVS · HIERONYMI · F ·	PATELANVS
COMES	
CONSTANTIVS · LAVRENTII · F ·	TABERNA · LONATVS · VICECOMES
COMES · AB · ADMISSIONIBVS · AVG ·	TRIVMVIR
ORDINIBVS · CONSERVANDIS	
FIRMINVS · RODVLPHI · F ·	RASINVS
COMES	
ALPHONSVS · OCTAVII · F ·	CASTILIONAEVS
COMES · AB · ADMISSIONIBVS · AVG ·	
KAROLVS · FRANCISCI · F ·	LITTA
COMES	
IVLIVS · KAROLI · F ·	DVGNAVVS
AB · ADMISSIONIBVS · AVG ·	

IOSEPHVS · OCTAVI · F ·	ROVIDA
COMES · AB · ADMISSIONIBVS · AVG · DVCTOR · ORDINVM	
MAIOR · VRBANA · MILITIAE	
LVDOVICVS · GALEATIVS · KAROLI · F · BVSCA · ARCONATVS · VICECOMES	
MARCHIO · AB · ADMISSIONIBVS · AVG ·	
APOLLONIVS · IOSEPHI · F ·	CASATVS
MARCHIO	
ANTONIVS · POMPEI · F ·	LITTA
MARCHIO · AB · ADMISSIONIBVS · AVG ·	
ANTONIVS · FRANCISCI · F ·	BESVTIVS
COMES	
VITALIANVS · EVGENI · F ·	CONFALONERIVS
COMES · AB · ADMISSIONIBVS · AVG ·	
LEONARDVS · IVLI · F ·	CALDERARIVS
COMES · AB · ADMISSIONIBVS · AVG ·	
IOAN · MARIVS · PETRI · PAVLLI · F ·	ANDREANVS
COMES · AB · ADMISSIONIBVS · AVG ·	
CONSTANTIVS · IO · BAPTISTAE · F ·	GALLARATIVS · SCOTTVS
AB · ADMISSIONIBVS · AVG ·	
FRANCISCVS · ALOISI · F ·	GALLINA
IO · IACOBVS · INNOCENTI · F ·	ATTENDVLVS · BOLOGNINVS
COMES · AB · ADMISSIONIBVS · AVG ·	
FELIX · PAVLLI · CAMILLI · F ·	AB · ABDVA
MARCHIO · E · COLLEGIO · ICC · NOBB · AB	
ADMISSIONIBVS · AVG ·	
KAROLVS · PHILIPPI · F ·	ARCHINTVS
COMES	
ANTONIVS · LVDOVICI · F ·	VITALIS
FRANCISCVS · LVCAE · F ·	PERTVSATVS
COMES · AB · ADMISSIONIBVS · AVG ·	
PIVS · CAIETANI · F ·	PALLAVICINVS · TRIVVLTVS
MARCHIO · REGIONIS · PALLAVICINAE · AB · ADMISSIONIBVS · AVG ·	
KAROLVS · IOANNIS · F ·	FRISIANVS
IOSEPHVS · FRANCISCI · F ·	ORRIGONIVS
MARCHIO	



ILLVSTRISSIMI  
ATQVE  
EXCELLENTISSIMI  
VIRI




ERIVS, QVAM FORTASSE EXPECTABATIS, MONVMENTVM ABSOLVTVM, DEDICATVM-  
QVE FVIT, QVOD LEOPOLDO AVG. DE-  
CREVISTIS IN RECORDATIONEM EIVS ERGA  
ORDINEM VESTRV M MERITORVM SEMPI-  
TERNAM. ID TAMEN NEMINI MIRVM VIDE-  
RI DEBET, QVI EXPERTVS NOVERIT, QVAM  
NON SINT OBVIA POLITISSIMA, ET CANDI-  
DISSIMA NON EXIGVAE MOLIS MARMORA, QVAM NON EXPEDI-  
TAE A LVNENSIVM LAPICIDINIS MEDIOLANVM VSQVE SVBVEC-  
TIONES, QVAM DENIQVE MOROSA ESSE SOLEAT, VT PLINII  
VERBIS VTAR, FINGENDI, CAELANDIQVE SVBTILITAS. NEC  
VERO NECESSE EST HOMINIBVS SAPIENTISSIMIS, LONGAQVE  
EXPERIENTIA EDOCTIS, COMMVNEM ETIAM RERV M HVMANA-  
RV M CONDITIONEM COMMEMORARE. QVIS ENIM IGNORAT  
PLVRA NECOPINATO CONTINGERE, QVAE VEL DILIGENTISSI-  
MOS NON SINVT COGITATA AD AMVSSIM PERFICERE? QVARE  
AEQVITATE, AC BENIGNITATE VESTRA FRETVS, QVAE FAMI-  
LIARVM, EX QVIBVS ORTI ESTIS, AMPLITVDINE, AC SPLEN-  
DORE NIHILO EST INFERIOR, NON DVBITO, QVIN MORAM  
HANC QVALEMCVMQVE AEQVI BONIQVE FECERITIS. QVAM-  
QVAM, VT DICAM QVOD SENTIO, NIHL FVISSET TANTI ID  
OPERIS FESTINASSE, SI QVIDEM EA MONVMENTI CVIVSQVE

RATIO EST, QVAM EX IPSO NOMINE INTERPRETATVR TVL-  
LIVS, VT AD MEMORIAM MAGIS SPECTARE DEBEAT POSTERI-  
TATIS, QVAM AD PRAESENTIS TEMPORIS GRATIAM. QVOD  
VERO AD REI PERFECTIONEM PERTINET, HANC VOBIS, QVA  
ESTIS HVMANITATE, IVDICIIQVE ELEGANTIA, NON MINVS  
PROBATAM ESSE CONFIDO. NAMQVE, SENTENTIA QVIDEM  
MEA, TAM CONCINNA EST TOTIVS OPERIS DESIGNATIO, TAM  
AFFABRE IMAGO VVLTVS EXPRESSA, TAM VENVSTA SCRIPTV-  
RA INSCRIPTIONVM, ATQVE DILIGENS, VT SINGVLA AD VE-  
TERVM ID GENVS OPERVM LAVDEM ACCEDERE PROPEMODVM  
VIDEANTVR. DE IPSIS AVTEM INSCRIPTIONIBVS NON EST VE-  
RECVDIAE MEAE QVIDQVAM LOQVI. EQVIDEM ET TENVI-  
TATE INGENII MEI DIFFISVS, NEQVE DIFFICVLTATIS LONGE  
MAXIMAE IGNARVS HVIVSMODI ARTIFICII, SCIO, ET VLTRO  
FATEOR PROCVL ME A ROMANA ILLA ELEGANTIA, AC MA-  
GNILOQVENTIA ABFVISSE. ILLVD TAMEN, QVOD VNICE PRAE-  
STARE IPSE POTERAM, ET SANE PRAESTITI, NIHIL PROHIBET  
QVOMINVS PROFITEAR, ME AD PRISCAS LEGES EXIGERE EAS  
SVMMO STVDIO, AVT SVMMA POTIVS RELIGIONE CONATVM  
ESSE, NEQVE EDIDISSE PRIVS, QVAM ERVDITISSIMORVM HO-  
MINVM CENSURAE, IVDICIOQVE SVBIECERIM, ET PLANE PROBA-  
VERIM. SED DE HIS HACTENVS. ECCE NVNC VOBIS SE SISTVNT  
EIVSDEM MONVMENTI TVM HISTORIA BREVI COMMENTARIO  
DESCRIPTA, TVM ETIAM FORMA AERE ACCVRATISSIME INCI-  
SA, ET SVB PRAELO IN CHARTAS EO CONSILIO RELATA, VT  
RES PVBLICA FIERET QVOD VOS REIPVBLICAE CAVSSA FA-  
CIENDVM CVRASTIS. HAEC IGITVR HILARI, AC BENIGNO VVL-  
TV VT EXCIPIATIS, MEQVE IN PRIMIS, CVI SENSU VESTRA  
PVBLICE EXPRIMENDI NON SEMEL HONOR CONTIGIT, TVERI,  
AC FAVORE VESTRO PROSEQVI VELITIS, ETIAM ATQVE ETIAM  
ROGO. VALETE, VIRI ILLVSTRISSIMI, ATQVE EXCELLENTISSIMI,  
AC CIVITATIS MEDIOLANENSIS BONO, IN QVA SVMMVM OBTI-  
NETIS GRADVM ET DIGNITATIS, ET GRATIAE, VOSMET FELLI-  
CES, ATQVE INCOLVMES QVAM DIVTISSIME SERVATE.


IN CAESAREO NOBILIVM COLLEGIO III. NON. SEXTILES AN. MDCCXCII.





## COMMENTARIUS.

I.



VIVIS sublato Imperatore JOSEPHO Augusto, qui in maximis suscipiendis, gerendisque rebus meliori usus fuerat animo, quam fortuna, LEOPOLDUS frater quum successisset, Princeps vel ab ineunte aetate regnandi prudens, amplissimum eximiae hujus prudentiae campum nactus, nihil potius, nihil antiquius habere visus est, quam moderatione hostes, indulgentia populos, benignitate omnes demereri. Et quanta quidem moderatione, vel liberalitate potius, externa bella composuerit, proferendorum finium cupiditate militum sanguini, Provinciarum quieti, commerciorum securitati, rei-que publicae universae bono posthabita; quanta dexteritate amicitiam & foedera cum Regibus potentissimis renovaverit, icerit, firmaverit; quam denique unanimi IX. Virum suffragio, ac totius Germaniae plausu Imperatorium nomen obtinuerit, quanto concursu, & celebrit diadema acceperit; haec omnia publicis, & interituris nunquam notiora sunt annalium monumentis, quam ut narrari, atque explicari oratione nostra indigeant. Neque compertum est minus mortalibus omnibus, quemadmodum ipse

Imperatoris Nervae, Optimi Principis, aemulatus exemplum, obviam populis indulgentiam suam miserit, singulorum querimonias exceperit, postulatis obsecundarit, malis denique, quoad ejus fieri poterat, mature occurrerit, quae fuerant alia aliis difficultate superiorum temporum importata. Quibus rebus non minorem aequitatis, ac clementiae, quam providentiae, sapientiaeque laudem tulit. Quippe docuit, sibi persuasum esse ostendit, sapientis esse Legislatoris non tam instituta pulcherrima, atque optima excogitare, quam ea accommodare ad uniuscujusque Regni, & Civitatis genus, commodorum, atque incommodorum tanquam subducto calculo; itaque videre, quid temporum, quid locorum indoles, quid hominum mores, & vero etiam opiniones aut recusent, aut efflagitent. Hac prudentissima inita imperandi ratione, pace domi forisque parta, juris aequitate asserta, publica dignitate restituta, nae ipse quoque, ut olim Nerva, brevi gratulari sibimet poterat, quod se fortuna Imperii meliore vultu respexerat.

II. Jam vero ut perpetua fide, amore, studio in Domum Augustam nulli Provinciarum Austriacarum concedit Insubria, sic nihil habet profecto, quod facilitatem, liberalitatemque LEOPOLDI cuiquam invideat. Nam & diutius fortasse, & libentius, quam ceteras, praesentia eam sua nobilitavit, perlustravitque; talem se nobis visendum praebens, qualem Trajanum, vivis adeo coloribus a Plinio expressum, legentes, admirantesque intuemur. Vidimus maximum, ac potentissimum Principem, omni apparatu remoto, inter cives tanquam parentem inter liberos versari suos, & circumfusus plaudente populo, non minaci stipatorum cohorte obseptum, securum majestatis, incedere. Vidimus ab omnibus adiri facile, praebere vel infimis aures patientissimas, quemque comi alloquio dignari, aut leniter appellare etiam; itaque magnam dici partem inter tot imperii curas, quasi per otium, saepe transigere. Vidimus magis salutis publicae, quam suae, studiosum ita diu noctuque ordinandis rebus vacare, ita alia ex aliis ne-



gotia excipere, ut vel somni parcissimus labore refici, ac recreari videretur. Quae quidem omnia jucundissima nobis, non tamen nova, neque admirabilia acciderunt. Nihil enim non expectare a LEOPOLDO fas erat, postquam huc Rescriptum illud suum, XIII. Kal. Febr. datum anno MDCCLXXXI. praemiserat, indicem prolixae suae erga nos voluntatis, sponsorem perpetuae indulgentiae, testem clementiae sempiternum. Quod quid aliud visum est omnibus, nisi quoddam veluti signum nobis sublatum ad bene de omni republica sperandum?

III. Hujus Rescripti Civitati Mediolanensium, singulis Insubriae Municipiis, cunctae Provinciae salutaris, non modo monumentum marmoreum extare, sed historiam etiam describi, & in vulgus efferri visum est expedire; non tam ut indulgentissimi Principis, quam ut grati Ordinis fama latius ad externos homines dimanet, memoria ad posteros propagetur. Id eo etiam valet, ut egregia illorum civium in patriam promerita nulla obruere vetustas possit, qui difficillimis, & gravissimis rebus expediendis, procurandisque magno usui fuerunt; atque ut adolescentes ingenui, ac nobili praesertim loco nati, honorem, & publicam gloriam, quae, tamquam umbra corpus, benefacta, resque praeclare gestas nunquam fere non sequitur, proponentes sibi, desidiam & vecordiam labori, ac studio posthabeant, & ad eam reipublicae partem, quae Principis beneficentia restituta est civibus, capessendam, administrandamque naviter excitentur; id scilicet cogitantes, quod ad omnes quidem homines, sed in primis ad nobilissimos quosque pertinet, a Platone praeclare dictum, non nobis solum nos esse natos, sed magnam ortus nostri partem sibi a patria vindicari.

IV. Vix igitur Austriacarum rerum potitus LEOPOLDUS, quum nonnulla in Insubria facta esse comperisset, quae irrita fieri, nonnulla sublata, quae redintegrari deberet, non est dedignatus, in tanto imperio, partem aliquam derivare in eam curae, ac cogitationis suae. Quin

etiam e potioribus curis, quae sollicitum eum haberent, hanc unam, neque postremam, esse declaravit, ut nostrae felicitati publicae, & privatae, quatenus fieri poterat, prospiceret. Itaque litteris ad FERDINANDUM fratrem, Archiducem Austriacum, Praesidem Provinciae providentissimum datis pridie Nonas Majas an. MDCCLXXX. jussit Concilium Mediolani extra ordinem haberi, quo bini ex splendidissimo cujusque Municipii Ordine legarentur, ut quicquid tum universae Provinciae, tum singularum Civitatum rationibus expedire videretur, inter se disceptarent, cognoscerent, & describendum, atque per duos tresve Legatos, Vindobonam missos, ad se referendum curarent. Quippe in animo habebat non modo Concilium Conventus Insubrium ordinarium, ac perpetuum, quod aliquot annis ante sublatum fuerat, restituere; qua de re supplicem ei libellum jam miserat Civitas Mediolanensis vota reliquarum Civitatum antevertens; verum etiam indulgere, ac constituere quaecumque vel acquitatis ratio, vel utilitas publica, vel populorum commoda efflagitarent.

V. Spe tam magna universis injecta, non dici potest, quanta alacritate, quantoque ardore jussis Caesaris gestus est mos. Itaque Kalendis Juniis coactum est Concilium, Juliis dimissum. Huic praefuit nomine Regio Aloisius Trotus Comes a penitioribus Consiliis Augusti, & Praefectus Municipii, ut tum appellabant, Mediolanensis; interfuere autem, nomine Civitatis Insubrium principis, Ambrosius Cavanagus Comes, & Antonius Vicecomes Aimus Marchio. E Provincialibus vero convenere Ticino Josephus Pasqualius, & Alexander Botta Adurnus Marchio; Cremona Alexander Schinchinellius Comes, & Alexander Cautius; Laude Pompeja Aemilius Somariva Marchio, & Antonius Zumalius; Como Georgius Porrus Carcanus Marchio, & Joan. Baptista Giovius Comes, & Eques; Casali Majore Leopoldus Molossus, & Joannes Vincenza Ponzonius; omnes patricia municipii sui nobilitate. Ab actis erat Josephus Perabous, cujus opera in tali munere propter & fa-



cultatem scribendū, & rerum publicarum peritiam, jamdiu utebatur Civitas Mediolanensis. Eum, qui optimus optari poterat, successum habuit Concilium; usque adeo verum est nihil esse Reipublicae salubrius Procerum concordia, quae in eo maxima nimirum fuit. Nam mutuis singulorum Civitatum inter se querelis, si quae forte erant, aut dissimulatis, aut in aliud tempus dilatis, unum omnes spectare, unum studere visi sunt, commune totius Provinciae bonum. Quam rem, utpote singularem, dignamque, quae posteris in exemplum proderetur, & notavit in Rescripto suo, & laudavit Caesar; qui praeterea & considerate admodum, & summa tum fide, tum aequitate omnia in eo constituta fuisse, non sine voluptatis sensu, se ex Actis, scite conscriptis, deprehendisse testatus est. Quo quidem prudentissimi Principis judicio, sive potius praeconio, ut nihil verius, sic nihil luculentius, nihil honorificentius Sociali huic Concilio excogitari profecto potest.

VI. Explicatis igitur, descriptisque postulatis, quae ad Augustum referenda essent, Legati, qui referrent, electi fuere tres, Antonius Vicecomes Aimus Marchio, Alexander Botta Adurnus Marchio, & Alexander Cautius; iisque Josephus Perabous adjutor ab actis datus fuit. Hi Vindobonam profecti, non opus est dicere, quanta a Caesare fuerint benignitate excepti, quamque faciles ad eum aditus semper habuerint. Delegati autem fuere, quibuscum ipsi agerent, nonnulli Aulæ Administri pro rebus Italiae, praesidente FERDINANDO filio, Magno Duce Etruriae designato, qui jam inde a teneris annis quantus princeps evasurus, esset ostenderat, mox adepto vix dum principatu docuit, verissime a Tullio dictum esse ab excellenti, eximiaque virtute progressum aetatis expectari non oportere. Rebus diligenter, & diu perpensis in utramque partem, eo ventum est tandem, ut aequissima esse Provinciae postulata agnovit LEOPOLDUS, & pronunciaverit. Itaque quod pollicitus fuerat, fecit. Namque amplissimo Diplomate pristina ei restituit privilegia, novorum etiam accessione cumolata;

duobus tantum capitibus exceptis, ad reformandam scilicet judiciorum exercendorum, & vectigalium exigendorum rationem pertinentibus; quae quidem non repudianda esse duxit, sed quo graviora erant, & difficiliora explicatu, eo diligentiori cognitioni reservavit.

VII. Exoptatissimus indulgentiae Augusti nuncius, summis omnium ordinum gratulationibus, Mediolanum tandem pervenit. Sed LX. Viri potissimum, quorum Ordo non modo in pristinum statum restitutus, sed novis etiam privilegiis auctus fuerat, ita affecti sunt, ut non satis pro magnitudine meritorum, pro dignitate Ordinis, pro amplitudine Urbis, pro majestate Principis suam se exprimere laetitiam posse existimaverint, nisi, qui magnificentissimus semper est habitus, & maxime Imperatorius, honorem ei detulissent. Itaque statuat equestrem aeneam in eo, qui FERDINANDO Archiduci, Praesidi Provinciae, ac Patrono suo videretur, celeberrimo urbis loco, ejus honori locandam, dicendamque decreverunt cum basi, in qua insignia ejus beneficia in se, & in Commune Insubriae collata inscriberentur. Erat autem Inscriptio in promptu hujusmodi

IMP • CAESARI • FRANCISCI • AVG • F •  
 KAROLI • AVG • NEP •  
 LEOPOLDO • PIO • FELICI • AVGVSTO  
 QVOD  
 VNIVERSAE • PROVINCIAE  
 ET  
 SINGVLARVM • CIVITATVM  
 VOTIS • OCCVRRERIT • ADNVERIT  
 CONCILIO • CONVENTVS • INSVBR • RESTITVTO  
 LIBERTATE • MVNICIPIIS • ADSERTA •  
 PRISTINIS • IVRIBVS  
 CVRATIONIBVS • ORNAMENTIS  
 REDINTEGRATIS • AVT • AMPLIATIS  
 ANNO • IMPERII • PRIMO  
 ORDO • POPVLVSQVE • MEDIOLANENSIS  
 CONSTITVTORI • REI • PVBLICAE  
 AVCTORI • FELICITATIS • PERPETVAE



Sed enim expectandus erat Caesar, ut hujus sibi monum-  
menti statuendi veniam tribueret. Interim quo religionem  
suam in bonorum omnium auctorem, ac parentem Deum,  
& pietatem in Principem optime meritum testarentur pu-  
blice, Civitas sacrificium solemne, cui frequentissima inter-  
fuit, in S. Ambrosii faciendum curavit, hoc affixo in templi  
fronte titulo, qui & gaudia, & vota publica significabat:

SACRO · PVBLICO · SOLEMNI  
LAETI · FREQUENTES · ADESTE · CIVES  
VNVM · OMNIVM · VOTVM · ESTO  
SALVS · PRINCIPIS.  
ET · DOMVS · AVGVSTAE

VIII. Statim atque Rescriptum Caesaris huc delatum,  
editumque fuit, exequi illud summo studio festinavit  
idem FERDINANDUS Archidux, Praeses Provinciae, cujus suf-  
fragio, & favore fuerat impetratum. In primisque Lega-  
tos, Adessorum nomine, Civitas quaeque suos ad Conci-  
lium Conventus Insubr. instaurandum elegit, lectissimos  
viros, reique publicae amantissimos. Hi quamvis ejusdem  
nominis, & juris, non unius tamen sunt Ordinis. Primi  
Ordinis Adessores Mediolanenses duo esse debent: iique  
sunt Ambrosius Cavanagus Comes, & Nicolaus Viceco-  
mes Comes; Provincialium autem Civitatum singularum  
singuli sunt, nempe Ticini Josephus Pasqualius, Cremon-  
nae Alexander Schinchinellius Comes, Laudis Pompejae  
Aemilius Somariva Marchio, Comi Josephus Rovellius Mar-  
chio, Casalis Majoris Josephus Balthassar Molossus, om-  
nes patricii generis. Secundi Ordinis Adessores dicti fuere,  
a Mediolanensibus Stephanus Marinonius, a Ticinensibus  
Antonius Rex, cui mox Vindobonam arcessito, & inter  
Consiliarios Regios pro rebus Italiae, atque inter pa-  
triae Decuriones adscito, successit Philippus Polinius;  
a Cremonensibus Venceslaus Cavallettus; a Laudensibus  
Felix Astorus; a Comensibus, denique (nam Casale Majus

unico Adessore gaudet) Antonius Pertius; omnes Juris Consulti. Cactus hujusce amplissimi praeses idem est, ac Praefectus Urbis Mediolani. Quem splendidissimum juxta, atque laboriosissimum magistratum summa prudentiae, assiduitatis, integritatis laude gerit, geretque quadriennium Franciscus Nava ex Jcc. Nobilium Collegio. Et quoniam eos, a quibus Concilium Insubriae instauratum est, honoris causa commemoravimus; non videtur debere praeteriri, quem primum omnium Vindobonam legatum miserunt ad negotia Provinciae apud Caesarem procuranda, Alphonsus Castilionaeus Comes, vir praeclaris ingenii, animique dotibus praeditus, qui unus e Quinqueviris fuit Reipublicae ad normam Rescripti Constituendae sub FERDINANDO Austr.

IX. Ut primum Adessores convenire, quod accidit Pridie Idus Martias anni MDCCXCI., verba fecerunt statim de gratiis Augusto, Restitutori suo, agendis quam amplissimis. Deinde Civitatis Mediolanensium Religionem, pietatemque aemulati, Sacro solemnem, quod eorum jussu factum est in Aede Mariana ad S. Celsum, publice interfuerunt omnes; ante vestibulum inscriptione apposita, quae potissimum indicaret, a Divino Numine propitiando, & ope imploranda Patronae Caelestis Domus Austriacae, & Civitatis, se magistratum auspicari:

SPIRITVI • DEO • SANCTO • AETERNO  
 SACRVM • SOLEMNE  
 ET • VOTA • PVBLICA  
 AD • ARAM • MAGNAE • DEI • MATRIS  
 PRO • INCOLVMITATE • CAESARIS • N •  
 TOTIVSQVE • DOMVS • EIVS  
 PROQVE • STATV • CONVENTVS • INSVBR •  
 RESTITVTI • ET • AVCTI •  
 INDVLGENTIA • OPTIMI • PRINCIPIS

Iidem, ut honore aliquo augerent tres Clarissimos Viros, qui legatione Prov. ad Caesarem, re publica bene gesta,



fuerant perfuncti, missilia nomismata, maxima forma, cudi jusserunt, alia ex auro, quibus legati ipsi, alia ex argento, quibus ceteri munerarentur, quotquot utilem Reipublicae restituendae operam praestiterant. Tali modo & civibus optime meritis honor debitus redditus est, & simul tum Providentiae Augusti, tum restitutionis suae est ab iis immortalitati commendata memoria. Descriptio autem pulcherrimi, & maximi nomismatis est hujusmodi. In adversa quidem fronte nihil eminet aliud, quam quercica corona, quae extremam oram ambit, mediusque in ea titulus:

ANTONIO • VICECOMITI • AIMO • MED •  
ALEX • BOTTAE • ADVRNO • TIC •  
ALEX • CAVTIO • CREMON •  
AD • LEOPOLDVM • II • AVG •  
LEGATIS

In aversa vero repraesentatur Insubria, matronali habitu, ac figura, serpto redimita ad foecunditatem soli, & lactitiam temporum indicandam spicis, floribusque intertexto, dextra ternas coronas civicas, sinistra codicem tenens. Pone eam Fluvius expressus est sedens, qui sinistro brachio cornu copiae regit, atque urnae innititur, ex qua large aquas diffundit; cujus irrigatione, quae est praecipua Provinciae nota, & segetis aristae, & herbae passim enascuntur. Atque in orbem superius inscripta haec sunt:

PROV • RESTITVTA • RESCRIPTO • OPT • PRINCIPIS

inferius tandem in ea parte, quam *aversa* vocant:

CONVENTVS • INSVBR • ANN • M.DCC.XCI •

X. Per id temporis Imp. LEOPOLDUS, qui jam per alias Austriaci Imperii Provincias pacis suae bona circumtulera, Mediolanum, ut supra diximus, adventavit. Pendebant omnes animi, qua nam ratione statuac honorem

sibi publice oblatum acciperet. Sed nimirum cujus indulgentiam in postulatis concedendis renovaverat, sapientiam Trajani in aestimandis honoribus visus est aemulari. Veros quippe honores sapientissimi quique non illos habent, qui tempestate, vi, vetustate intereant, sed qui in benefactis, rebusque gestis positi, ipsa senectute florescunt, nullis vel hominum, vel temporum injuriis obnoxii; nec quidquam aliud, non aurum, non argentum, non aes, non saxum videtur eis melius formam optimi Principis exprimere, ac tenere, quam populorum favor, atque caritas. Itaque non abnuvit ille quidem, sed neque indulsit unquam. Quo temperamento utrumque effecit, ut & publicis impensis parceret, & simul omnem a se fastidii suspicionem removeret.

XI. Spe igitur abjecta fore, ut sibi liceret magnificentissimum monumentum Augusto in celebri loco collocare, saltem vultus ejus ante oculos imaginem sibi, posterisque suis constituere Decuriones voluere in interiori Aedium publicarum conclavi, quo convenire ipsi solent. Placuit igitur, uti e politissimo marmore Carrariensi dimidiatum signum, magna forma, effingeretur, eique cum honorario titulo poneretur; in quo aliqua etiam esset grati animi erga FERDINANDUM Archiducem significatio; utique capita Rescripti insigniora in duabus tabulis marmoreis, stilo veterum legum, inscriberentur. Demum Antonio Peraboo inter Patricios ob merita, quae supra commemoravimus, adlecto, uti Ambrosio Cavanago Comiti, qui moris majorum, rerumque publicarum peritissimus quum sit, Concilium Sociale mirifice adjuverat, & Antonio Vicecomiti Aimo Marchioni, qui praeterea legationem nomine tum Provinciae, tum peculiariter Patriae e Republica obiverat, gratiam aliquam publice referrent, praeter jus insignia Civitatis gentilitiis inserendi, honorem etiam Inscriptionis utrique contulerunt. Quem quidem honorem quis nescit, quanti olim aestimare Romanorum clarissimi solerent? Quae omnia ut scite succederent, eorum curatio



data est Constantio Tabernae Comiti, & Julio Dugnano Decurionibus, aurea clavi Augustali exornatis, probitate, prudentia, judicii elegantia spectatissimis. Hi autem negotium Francisco Fontanae dederunt, ut Inscriptiones conficeret; Josepho vero Franchio Carrariensi, Sculptori celeberrimo, ut hermam faceret; neque id solum, sed etiam totum ut monumentum designaret. Quod ita praestitit, ut ex signo, & basi, & ex tot marmoribus litteratis opus unum exurgeret, venustum mehercules, atque concinnum. Denique ne illud in interiori Curia paene delitesceret, sed omnium oculis exhiberetur, ejus formam in aerea tabula a Jacobo, Jacobi Nepote, Freyo ejusdem Franchii alumno, lineari pictura expressam praelo subiici, vulgarique jusserunt; cujus rei declarandae ergo tota haec est narratio instituta. Sed heu! dum haec summo studio urgebantur ab omnibus, dumque LEOPOLDUS Aug. ordinatis jam Imperii Austr. rebus, in eo propediem esset, ut quae pro statu universae Europae consilia moliebatur, agitabatque magna, ac salutaria exequeretur, repente nuncius allatus est praepropero eum fato abreptum fuisse. Monumentum igitur, quod in vivi honorem parabatur, mortui memoriae erectum est. Quo quidem acerbissimo casu, intra spatium trimestre ob Aloisiae Augustae Conjugis ejus obitum iterato, quis humanae fragilitatis vices non sane perhorrescat? Doleremus etiam majorem in modum, nisi felicissima successio Imperatoris FRANCISCI, Principis bono Reipublicae nati, tantum desiderium, luctumque leniisset. Faxint Superi, ut qui justae parentum Augustorum aetati detracti sunt anni, Filio adjiciantur.

CAPITA INSIGNIORA  
EX RESCRIPTO LEOPOLDI AVG. EXCERPTA  
QVAE IN TABVLAS MARMOREAS RELATA SVNT.

---

*Littera A. indicat partem primam Rescripti, quae ad Commune Insubriae spectat; Littera vero B. alteram, quae ad singulas Civitates. Notae numerorum indicant ejusdem Rescripti Articulos, ad quos Lectorem, qui forte Inscriptionis verba cum verbis Rescripti conferre velit, delegamus.*

---

I.

*Decuriones, more majorum, Reipublicae Mediolanensi curandae praesunt. Sexaginta sunt. Ex Patriciorum numero adsciscuntur. Art. I. B. item XXXIII. A.*

II.

*Ollis conveniendi, quotiens visum fuit, ordinemque supplendi jus esto. IV. B.*

III.

*Privilegia Collegii Juris Consultorum Nobilium rata sunt. XX. B. Vide etiam Rescriptum Caesareum ad ipsum Collegium V. Kal. Julias an. MDCCXCI. datum.*

IV.

*Ex hoc Praefectus Urbis eligitor, qui item pristino nomine, pristinis insignibus utitor. III. B. item XXXVI. A.*

V.

*Praefecto Urbis Adsessores adsunt. A Decurionibus creantur. I. II. B. item XIX. & XXXIII. A.*



VI.

*Viarum, annonae, valetudinis, pecuniaeque publicae curam agunto. Jus de his omnibus dicunto. XXXIII. A. item XXXV. A.*

VII.

*Legati singularum Civitatum Mediolani morantor Adessorum nomine, ex quois, & Adessoribus Mediolanensibus sub Praefecto Urbis Concilium Conventus Insubrium esto. I. V. VI. A.*

VIII.

*De stato Reipublicae ordine, his inconsultis, ne quid immutator. I. III. item XI. A.*

IX.

*Iidem super pristina decora, & munera stativorum etiam, & comneatum militarium curam capiunto. X. XIII. A.*

X.

*Item Legatum ad res Provinciae apud Caesarem gerundas biennalem eligunto. Et, si res tulerit, arbitrio revocanto. IV. A.*

XI.

*Provincialia emeritos stipendia Adessores Provinciales, Municipalia Municipales iudicio suo remuneranto. XVII. A.*

XII.

*Ad praescriptum Censualium legum Regii Census Curatores se gerunto. XV. item XIX. A.*

XIII.

*A Communi suis quisque Censualis eligitor. XX. A.*

XIV.

*Leges judiciariae, item de Vectigalibus Regis partiundis, exigundis reformantur. XXXI. A. item XXVI., & seqq. A. tum XLVII., & seqq. B.*

XV.

*Multa in absentes dicta remittitur. XXIV. A.*

XVI.

*Sacerdotiorum, aliorumque id genus bonorum vacantium rationes eduntur in vulgus. XLV. A.*

XVII.

*Eorum redditus in pios usus erogantur. XLV. XLVI. XLVII. A. XXXIII. B.*

XVIII.

*Item tributa ex praediis olim immunibus in levamen onerum communium cedunt. XXI. XXII. XXIII. A.*

XIX.

*Sacerdotiorum patronatum jure, quo quisque optimo habessit, retinere. XLIII. XLIV. A.*

XX.

*Domus egenis maribus feminis recipiundis, alendis, educandis, medendis, dotandis, sublevandis quotquot sint pietate majorum institutae, earum curatio penes Cives esto. XLVIII. XLIX. A.*

XXI.

*Scholae juris Municipalis in Lyceo Braidensi, Chirurgiae, & Artis Anatomicae in Valetudinario interclusae aperiuntur. XXIV. B.*



# ADNOTATIONES.



N libri fronte: *in eorum Curia*. Notum est plura quidem *Curiae* vocabulum significare, sed persaepe aedes illas, ubi sedes est publici Consilii, quemadmodum in Orat. 4. in Verrem: *in Curia Syracusis, quem locum illi Buleterium vocant*. Quid est enim Buleterium Graece, nisi latine locus, ubi Ordo Decurionum cogitur, quem Plinius in epistolis *Bulen* vocat?

— *Dedicatum*. De hujus vocabuli usu in inscriptionibus haec recte docet Morcellus pag. 35. de stilo: *saepe in antiquis titulis dedicatae dicuntur porticus, bibliothecae, theatra, thermae, statuae illustrium virorum, & alia hujusmodi*. Haec consecrata ne dixeris, sed potius addicta, aut aperienda populo. Id certe Plutarcho est *avadeuvuat*, seu revelare, ostendere.

In fronte Epistolae ad Decuriones: *A Provincia Restituta* perinde, ut veteres dicebant *ab Colonia deducta*, Grut. pag. 207. aut *ab Urbe Condita*, quod passim videre est, apud Historicos praefertim.

— *Splendidissimo Ordini*. Decurionum Ordinem splendidissimum apud veteres audiisse, inscriptiones multae declarant. Grut. pag. 275. 481. 1195. &c.

In Albo Decurionum: *Magister Rusticanae Militiae*, inferius vero reperitur *Magister Urbanae Militiae*. Sic MAGISTER EQUITUM qui equitatu, MAGISTER PEDITUM qui peditatu, MAGISTER UTRIUSQUE MILITIAE qui militiae utrique praerat, in Inscriptionibus, aliisque veteribus monumentis appellatur. Recte igitur, qui apud nos militiae Rusticanae praest *Magister Rusticanae Militiae*, qui praest Urbanae *Magister Urbanae Militiae* videtur nuncupari.

— *Assistens*. Participium hoc substantive usurpavit Fabius Quintilianus, idque semel, atque iterum: videlicet Lib. IX. Cap. II. *aut judices, aut assistentes*, & Lib. II. Cap. I. *in quibus vel iudici, vel etiam assistentibus ratio noxae moderationis probari debet*.

— *Campidoctor*, idest *Maestro di Campo*, ut interpretatur Forcellinius in suo latinitatis Lexico, omnium longe locupletissimo, atque accuratissimo. Vocabulum hoc habetur apud Lampridium in Vita Severi, & non semel apud Vegetium, ut artis, sic nomenclaturae Militaris veterum Romanorum auctorem peritissimum. Habetur etiam in inscriptionibus tum apud Muratorium, tum apud Gruterum, cujus est illa prae ceteris perspicua pag. 80. QVOD • COH • DOCTOR • VOVERAT • NVNC • CAMPIDOCTOR • • • COH • I • PR • POSVIT • Quare Salmasius cum aliis eruditis viris hanc vocem, quam alii *Campidoctor* legunt, jure ac merito tuetur.

— *Militiae Dux Major*, idest, ut arbitror, *General Maggiore*. Habetur haec formula *Militiae Dux* tum alibi, tum apud Murat. XCVI. I. cui addidi *Major*, quemadmodum apud Grut. pag. 360. habetur *Pontifex Major*. Fortasse alii maluissent *Militiae Dux Honorarius*. Quod & mihi aridet maxime.

— *Cohortis Praetoriae Russatae. Della Guardia Rossa*. Hanc formulam, sane rei exprimendae aptissimam, Morcellus proposuit Lib. III. Part. I. Cap. VII. Ita russata dicebatur una e factionibus aurigarum in Circo, quia russis, seu rubeis vestibus utebatur. Unde apud Reines. cl. 5. n. 63. *agitator factionis Russatae*. Ad hanc vocem confirmandam Forcellinius memorat Inscriptiones Gruterianas tres.

— *Praefectus Regius Tabularii Publici*. Sic *Praefectus Aevarii*, Fab. 292. Nepos vero Praefectos Regios, quamvis non eodem prorsus sensu, habet in vita Agesilai. Item Livius Lib. XXXVI. Cap. XI. & alibi.

— *Ductor Ordinum Major*, idest, mea quidem sententia, il *Sergente Maggiore*. Ordo fere erat Militum manus minor centuria; v. gr. manipulus. Ita Forcellinius. Qui ei praerat *Ordinis Ductor* nominabatur; is igitur perinde erat, atque qui in militia sequioris aevi audit *Sergente*: sic sane in Vocabulario, ut appellant, Taurinensi vertitur. Igitur qui plures Ordines ducit, & majori cum potestate, is Ductor

Ordinum Major appellari satis congruenter videtur. Munia illius propria a Laelio Brancaccio, equite Melitensi, in suo de Militaribus Officiis libro Cap. VI. sic describuntur: *sono particolari cure del Sergente Maggiore di ordinare la gente a marciare, ed a combattere, d'alloggiarla, di mettere, o ripartire le guardie, sì nelle oppugnationi, come nelle difese, e di disciplinare i soldati.* Quae sane munia cui melius, quam Ductori Ordinum Majori congruere possint? Posset etiam id muneris Latine appellari *Praepositus*, aut *Magister Exercitatorum Militiae Urbanae*. Est enim Exercitator, qui alium in quaque re exercet. Unde apud Gruterum pag. 1102. habetur EXERCITATOR EQUITUM. Igitur qui Exercitatoribus praestet Praepositus, aut Magister Exercitatorum vocari jure potest. Brancaccius autem milites exercendi munus eis, qui nunc audiunt *Sergenti*, assignat; his vero praeposit *il Sergente Maggiore* his verbis: *conviene al Sergente essere spesso.... alla casa del suo Sergente Maggiore, il quale ha da essere stimato da lui come suo proprio Capo, e Maestro.* Consule Morcellum pag. 522. quatenus veteris militiae appellationes recentiori disciplinae accommodari debeant, aut possint.

— *Tiberius Crivellus*. Fortasse *Crivellus* scribi mallent nonnulli, auctoritate Morcelli freti, cui cognominum nostratum Latine efferendum ea ratio placet, ut nihil immutetur praeter ultimae syllabae inflexionem, qua Latino ritu declinentur. Ab hac lege tamen idem excipit illustria nomina, quorum celebritas prohibet quominus licet aliter enuncientur, quam vernacula sonant lingua, aut ignota, aut obscura evadant. Vide sis Morcellum Lib. II. Part. III. Cap. I. de Nomenclatura, ubi etiam scito loquitur de iis cognominibus, quae propositione DE aucta, cujusmodi in hoc Albo sunt *De Avaciel, De Abdua*, ab antiqua Latinorum consuetudine abeunt longe, sic tamen, ut cognomen eorum affine non desit in exemplo satis vetere, quod ipse affert ex Donio & Fabretto, nempe: OCTAVIO · V · P · EX · MERCVRIALIBVS ·

— *Regionis Pallavicinae*. Alii forsitan mallent *Ditionis Pallavicinae* exemplo Guidonis Ferrarii, celeberrimi Titulorum Scriptoris, pag. 66. Vol. II. Operum ejus nuper editorum. Verum, pace tanti viri, atque etiam Forcellinis, ego Morcello potius assentior, qui in Commentariis ad Inscriptiones suas pag. 14. negat locum, regionemve, ubi quis jus, aut imperium exercet, a veteribus Latinis *Ditionem* appellari. Sane in exemplis omnibus, quae ab ipsomet Forcellinio afferuntur, hoc vocabulum nihil aliud, quam potestatem, vel imperium, quod quis exercet, videtur significare.

In Epistola: *si quidem monumenti ratio*. Cic. in fragm. apud Nonium Cap. I.

— *Ut Plinii verbis utar*. In proem. lib. 35. Hist. Nat.

— *Venusta scriptura inscriptionum, atque diligens*. Haec licet parvi momenti res videri aliquibus possit, quam tamen valde conferat ad inscriptionis cultum, atque ornatum, vide sis Cap. IX. Part. III. Lib. II. Morcelli de stilo Inscriptionum Latinarum.

— *Neque difficultatis.... hujusmodi artificii*. Hac de re velim, lector humanissime, consulas *Προσφώνημα* Libri II. ejusdem Morcelli. Satis mihi esto justissimam ejus querelam repetere, quam scilicet, si minus obrectatorum alienarum Inscriptionum (obrectatores dico, non Censores aequos, atque intelligentes) licentiae, aut lasciviae potius sanandae; at certe earundem Scriptoris consolandis accommodatissimam fore arbitror, quoties eas, ut ut omni industria, ad veterum normam, ab se elaboratas, carpi tamen temere, aut etiam vituperari voculis malevolorum, aut garrulorum hominum senserint. Quippe si tanto viro, quem hujusce artis magistrum, ac poene parentem jam omnes agnoscunt, obrectatores minime defuere, acres atque importuni, quis nam ita blandiri sibi met potest, ut putet defuturos unquam sibi? Sunt autem ejus verba hujusmodi: „denique „hoc quoque in isto litterarum genere molestissimum invenitur, ut vel imperiti de „Inscriptione judicent, ac temere plane, & nulla ratione, nullo auctore judicent. „Quippe, quod latine aliquid sciant, satis quidem se intelligere posse arbitrantur, „inscriptio ne rei quadret, an non. Eo fit, ut de stilo etiam judicare velint, quem „plerumque ignorant, & ea fere damnant, quae non intelligunt. Enim vero vix ferri „potest, quum tu inscriptionem eandem saepe fixeris, ac refinxeris, singulas partes „ad priscae leges exegeris, nihil propemodum usurpaveris, quod non veteri auctoritate „nitatur: esse tamen homines tanta impudentia, qui quod vix oculis semel perlegerunt, non modo sibi non placere, sed etiam ineptum esse aut obscurum, aut parum „latinum, tamquam de sella ac tribunali pronuncient“.



In Commentario. Num. I. *Imperatoris Nervae*. Extat hujus Rescriptum inter Plinii epistolas Lib. X.

— *Ut olim Nervae*: quippe in Rescripto superius allato ita de se ait: *quem fortuna imperii vultu meliore respexit*.

II. *Inter cives*. Vide Plinium in Paneg.

— *Quoddam veluti signum*. Cicero pro Marcello I.

III. *A Platone praeclare dictum*. Vide etiam Cic. de Officiis. Lib. I.

VI. *A Tullio dictum*. Phil. V. XVII.

VII. *Concilium Conventus Insubr.* Desumpta est haec formula ex Decreto, quod in tabula aenea repertum anno MDCCLXXVI. protulit, explicavitque disertissime, atque eruditissime Morcellus Lib. I. Part. I. Cap. V. de stilo, ubi CONCLIVM CONVENTVS CLVNIENS. memoratur.

IX. *Spiritui Deo Sancto Aeterno*. Memini inscriptionem hanc, cum primum edita fuit, in varias hominum reprehensiones incidere; in primisque formulam illam *Spiritui Deo Sancto Aeterno*, & aliam *proque Statu* minus aliquibus probari; quamvis utraque reperiatur in laeta illa, lectissimaque suppellectile, quam Morcellus Libro III. qua est singulari eruditione, & judicio longe exquisitissimo, ex probatissimis monumentis deprompsit, & titulorum scriptoribus liberaliter apparavit. Nae ego adhuc miror, quid sit, cur illae formulae cuiquam displicere possent. Nam prior, ut nihil superstitionem antiquae Romanorum, sic elegantiam stili maxime redolet: quippe hausta est ex formulis DEO SANCTO, DIIS SANCTIS, quae frequentissime occurrunt; item ex illis DEO AETERNO Grut. pag. 17. DEO MAGNO. AETERNO Fabr. pag. 564., quam ultimam, suffragante Maffeo, idem Fabrettus Christianam judicavit. Alteram vero *proque Statu* qui reprehenderunt, notaruntque censoria nota, iis puto ignoram fuisse inscriptionem, haud infimae meretricules notae, quae apud Grut. pag. 29. ita se habet: PRO SALVTE • IMP • ANTONINI • GORDIANI • PII • FEL • AVG • TOTIVSQUE • DOMVS • DIVINAE • PROQVE • STATV • CIVITATIS. Quid, quod hac formula utitur Cicero saepissime?


— *Corona quercica*, idest civica, quae more veterum Romanorum eis dabatur solum, qui in praelio civem, interempto hoste, servassent. Sed labefactata Republica, nonnulli donati ea sunt etiam in toga ob cives quocumque modo conservatos, aut beneficiis auctos.

X. *Pacis suae bona circumtulera*t. Vellejus Pater. Lib. II.


— *Sapientiam Trajani*. Vide Plin. in Paneg.


XI. *Quem quidem honorem*. Adi Morcellum de stilo. pag. 279.

Haec sunt fere, quae adnotanda erant mihi, ut si quid usu aut novum, aut minus aprum in hoc opusculo aut est visum, aut videri cuiquam possit, ab omni nota, quoad poteram, vindicarem. Sed ausim ne ideo sperare culpam me vitasse omnem, aut nihil superesse amplius, quod censoria virgula notari possit? Eset id hominis arrogantis, sibi quae nimium praefidentis. Quid igitur? Si vera obici mihi sensero, grato libentique animo amplectar, & lucri loco ponam; sin falsa, aut futilia, animo aequo, pacatoque, tacitus negligam, atque contemniam. Nihil autem adnotare visum est in Monumenti Marmorei, cujus hic *sciographia* exhibetur, inscriptiones; ut pote quae homines hujusmodi, tanta doctrina, tanta judicii elegantia, tanta in hoc genere litterarum auctoritate, alii coram, alii per litteras, ut diximus, probaverunt, uti eorum plane iudicio nihil haesitans acquiescam.


















SPECIAL 85-B  
FOLIO 19274



